



Ein Ort schreibt Geschichte(n)

#einortschreibtgeschichte



KULTURINITIATIVE – von MARIVA und dem KULTURORT MIEMING

Corona

Ma siecht nix und ma riacht nix
vo dem Coronagspenst,
vo dem gemeinen Virus,
vo dem du nu nix kennst.

Ea schleicht sich gonz stad umma
und lauascht übaroi,
ea wondascht oiwei weita
und bringt ins leicht zu Foi.

Und dea Corona frogd net,
wea arm is oda reich,
ea schnappt sich nur sei Beute,
fi eam sen alle gleich.

Ea is so undurchschaubor,
mia wissn net warum,
ea schmeisst ins insre Pläne
mit Leichtigkeit oi um.

Und plötzlich is gonz ruhig,
und plötzlich homma Zeit,
hom Zeit um nochzudenkn,
üb'n Bescheidenheit.

Und plötzlich semma donkbor,
und plötzlich weascht ins klor,
dass Woisei und de Gsundheit
net söbstvaständlich wor.

Verfasserin: Kathi Kitzbichler, Mundartdichterin aus Erl

MARIVA Künstler- & Eventmanagement

Maria Thurnwalder | Künstler - & Eventmanagement | Barwies 303c | 6414 Mieming / Tirol
info@mariva.at | www.mariva.at